



## CONVOCATORIA DE AXUDAS DESTINADAS AO APOIO DO SECTOR DA HOSTALARIA AFECTADO POLA CRISE DO COVID-19 NO CONCELLO DE VILA DE CRUCES

### 1.- OBXECTO

Esta convocatoria pública das axudas ten como finalidade promover, reactivar e contribuír ao mantemento da actividade económica, o emprego e a competitividade no sector da hostalaría para que poida facer fronte ás consecuencias da pandemia producida polo COVID-19.

O obxecto é convocar axudas para apoiar o sector da hostalaría cuxos negocios quedaron afectados polos peches regulados na normativa ditada polas autoridades sanitarias, en concreto:

- Decreto 8/2021, de 26 de xaneiro, da Consellería de Presidencia da Xunta de Galicia e ORDE da Consellería de Sanidade, do 26 de xaneiro de 2021 pola que se establecen medidas de prevención específicas como consecuencia da evolución da situación epidemiolóxica derivada do COVID-19 na Comunidade Autónoma de Galicia e as súas posteriores modificacións.
- ORDE da Consellería de Sanidade, do 15 de febreiro de 2021 pola que se dispón a prórroga e a modificación das medidas de prevención específicas previstas na Orde do 26 de xaneiro de 2021, como consecuencia da evolución da situación epidemiolóxica derivada do COVID-19 na Comunidade Autónoma de Galicia.

Para os efectos destas axudas considéranse sector da hostalaría os bares, cafeterías e restaurantes.

Así mesmo, para os efectos destas axudas entenderase que está afectado polo peche, aquel establecemento que non poida ter aberto ao público o interior do mesmo.

Estas axudas teñen o carácter de axudas de emerxencia, destinadas a pequenas empresas de ata 10 traballadores e autónomos para contribuír a facilitar o cumprimento das súas obrigas empresariais, mantendo a actividade e o emprego e paliar a redución repentina de ingresos provocados polo peche forzoso.

As bases reguladoras desta convocatoria atópanse na Ordenanza Xeral de Subvencións do Concello de Vila de Cruces publicada no BOPPO de 20 de febreiro de 2006.

### 2.- FINANCIAMENTO

As subvencións financiaranse cun importe de 15.293,17 euros provintes da subvención concedida pola Deputación de Pontevedra a través do Plan Concellos 2021- liña 2- disposición adicional, publicadas no BOP de Pontevedra o 4 de xaneiro e o 17 de febreiro de 2021.

### 3.- NATUREZA E RÉXIME DAS AXUDAS

Estas axudas teñen a natureza de subvención de acordo co establecido na Lei 38/2003, de 17 de novembro, xeral de subvencións.

---

**Concello de Vila de Cruces**

Praza D. Juan Carlos I, Vila de Cruces. 36590 (Pontevedra). Tfno. 986582017. Fax: 986582492



Cod. Validación: 4HAS4S.JXXJD4N35.IRA26ZEMMP | Corrección: <https://villadecruces.sedelectronica.es/>  
Documento asinado electronicamente desde a plataforma xestiona esPublico | Páxina 1 a 9



O procedemento de concesión tramitarase en réxime de concorrència competitiva para todos os solicitantes que reúnan as condicións.

#### 4.- REQUISITOS DOS SOLICITANTES

Poderán solicitar estas axudas as persoas físicas ou xurídicas, comunidades de bens sociedades civís ou outras entidades económicas sen personalidade xurídica, legalmente constituídas, do sector da hostalaría e que cumpran os seguintes requisitos:

- Ter domicilio fiscal e que a actividade se desenvolva no Concello de Vila de Cruces.
- Ser PEME de ata 10 persoas ou autónomo.
- Estar dados de alta no IAE nas actividades de bar, restaurante ou cafetería.
- Estar afectada polos supostos de peche forzoso do establecemento ORDE da Consellería de Sanidade, do 26 de xaneiro de 2021.
- Non atoparse en ningunha das circunstancias recollidas no artigo 13.2 e 13.3 da Lei Xeral de Subvencións.

Dada a natureza extraordinaria, tanto das actuacións subvencionables destas bases reguladoras como da situación de estado de alarma e emerxencia sanitaria da que derivan e que provocou que a meirande parte de persoas autónomas e empresas solicitaran aprazamento das súas obrigas tributarias, fronte a Seguridade Social ou á CCAA ou mesmo non poidan afrontar transitoriamente a súa satisfacción puntual, de acordo co establecido no artigo 10.2 da Lei 9/2007 de 13 de xuño de subvencións de Galicia, se exige ás persoas beneficiarias desta subvención do requisito de atoparse ao corrente no cumprimento das obrigas tributarias ou fronte da SS e á Administración Pública da CA e o Concello no momento da concesión da axuda, sempre que se dea a seguinte circunstancia, que deberá acreditarse perante a declaración responsable que figura no anexo II da presente convocatoria: Que a persoa beneficiaria se comprometa a poñerse ao corrente do cumprimento das súas obrigas tributarias fronte á Seguridade Social, a Administración pública da Comunidade Autónoma e o Concello unha vez aboada a axuda concedida en aplicación das presentes bases.

Quedan excluídas as comunidades de propietarios en réxime de propiedade horizontal, as administracións públicas, os seus organismos autónomos, as empresas públicas e outros entes públicos, así como as asociacións, fundacións e, en xeral, entidades sen ánimo de lucro.

#### 5.- GASTOS SUBVENCIONABLES

Terán a consideración de gastos subvencionables os seguintes:

- gastos de alugueiro (bens moble e inmobles)
- gastos de arrendamento de maquinaria e/ou vehículos
- gastos financeiros directamente relacionados coa actividade
- servizos profesionais independentes: xestión, asesoría e consultaría
- gastos de subministro de auga, luz, gas e teléfono.
- primas de seguros, seguros de responsabilidade civil, seguros de accidentes, cotas seguridade social, vinculados ao exercicio da actividade económica.
- mantemento de comunicacións: teléfono, internet, correos, mensaxería.

---

### Concello de Vila de Cruces





- compra de mercadorías relacionadas coa actividade.

Todos estes gastos deberán estar vinculados ao local onde se desenvolve a actividade ubicados no Concello de Vila de Cruces.

Estas axudas teñen carácter finalista polo que o importe da subvención concedida non poderá ser empregado para outros fins.

Aos efectos do previsto na presente convocatoria, consideraranse subvencionables os gastos efectivamente realizados entre o 1 de xaneiro de 2021 ata a data de finalización do prazo de presentación desta axuda.

## 6.- CONTIA

O importe da subvención será determinado en función da puntuación acadada conforme ao establecido na base nº 7.

## 7.- SOLICITUDES E DOCUMENTACIÓN

Dirixiranse ao alcalde, e presentaranse no rexistro do Concello de Vila de Cruces segundo o establecido na Lei 39/2015, de 1 de outubro, do Procedemento Administrativo Común das Administracións Públicas.

O prazo de presentación de solicitudes será dun mes e comezará a partir do día seguinte á publicación da convocatoria no Boletín Oficial da Provincia.

O modelo de solicitude normalizado para a obtención das subvencións reguladas na presente convocatoria estará dispoñible na web municipal.

Deberán acompañar a seguinte documentación:

1. Solicitude asinada polo titular ou representante legal (ANEXO I).
1. Fotocopia do DNI do solicitante e no seu caso do CIF da empresa.
2. No caso de empresas, escritura de constitución.
3. Certificado actualizado de Situación Censal que indique a actividade económica coa súa data de alta, o domicilio fiscal e en ou caso o do local de desenvolvemento da actividade.
4. Certificado de estar de alta no Réxime Especial de Traballadores Autónomos.
5. Certificación bancaria do número de conta do cal sexa titular o beneficiario.
6. Certificados de estar ao corrente coas obrigas tributarias na Axencia Estatal da Administración Tributaria, coa Tesourería Xeral da Seguridade Social, coa administración autonómica. Comprobarase de oficio a non existencia de débedas co Concello de Vila de Cruces e co Oral, así como non ser debedor por resolución de procedencia de reintegro no Concello ou declaración de que a persoa beneficiaria se comprometa a poñerse ao corrente do cumprimento das súas obrigas tributarias fronte á Seguridade Social, a Administración pública da Comunidade Autónoma e o Concello unha vez aboada a axuda concedida en aplicación das presentes bases
7. Anexo II: Declaración responsable asinada pola persoa interesada ou representante legal da persoa ou entidade solicitante que conterà o pronunciamento expreso sobre as seguintes cuestións:

---

### Concello de Vila de Cruces

Praza D. Juan Carlos I, Vila de Cruces. 36590 (Pontevedra). Tfno. 986582017. Fax: 986582492



Cod. Validación: 4H4S4S.JXJ4N35.IR2A26ZEMMP | Corrección: <https://villadecruces.sedelectronica.es/>  
Documento asinado electronicamente desde a plataforma xestiona esPublico | Páxina 3 a 9



- Que a persoa solicitante non está incurso nas prohibicións para obter a condición de beneficiaria e para ser receptora do pago establecido na Lei 38/2003, de 17 de novembro, e en concreto apartados 2 e 3 do artigo 13 e o apartado 5 do artigo 34 da mesma.
- Que a persoa beneficiaria se compromete a poñerse ao corrente do cumprimento das súas obrigas tributarias fronte á Seguridade Social, a Administración pública da Comunidade Autónoma e o Concello unha vez aboada a axuda concedida en aplicación das presentes bases.
- Que a persoa solicitante comprométese ao cumprimento das obrigas das persoas beneficiarias de subvencións, establecidas no artigo 14 da Lei 38/2003, de 17 de novembro.
- Que a persoa solicitante comprométese á comunicación de subvencións concedidas coa mesma finalidade e o compromiso de comunicar o máis axiña posible as axudas obtidas con posterioridade á presentación da solicitude e antes da resolución da mesma.

Ademais poderán presentar a seguinte documentación que se terá en conta para determinar a orde de prioridade entre as distintas solicitudes:

- Documentación acreditativa de ter persoas traballadoras asalariadas no correspondente código da conta de cotización da Seguridade Social ou en ERTE.

A convocatoria, os anexos e formularios estarán dispoñibles na páxina web do concello [www.viladecruces.gal](http://www.viladecruces.gal).

Se do exame do expediente se comproba que a documentación non reúne os requisitos necesarios, é insuficiente ou non se achega na súa totalidade, faráselle un único requirimento ao solicitante para que, nun prazo de 10 días hábiles, enmende a falta ou achegue os documentos preceptivos con indicación de que se así non o fixese se terá por desistido da súa petición.

## 8.- CONCESIÓN

O procedemento de concesión das axudas co límite do crédito dispoñible de 15.293,17€ será en réxime de concorrencia competitiva.

O procedemento de concesión será o seguinte:

### 1.- Criterios de valoración:

- a) Por ser titular dun establecemento de restaurante, cafetería ou bar obrigado ao peche forzoso: 10 puntos.
- b) Por cada persoa traballadora contratada ou en ERTE: 1 punto.

2.- Procederese ao prorrateo do importe global máximo, segundo o artigo 19.3 da Lei 9/2007, aplicando o seguinte proceso:

1º.- Cálculo do valor de cada punto: sumamos o número de puntos totais obtidos polos solicitantes e calculamos o importe que lle corresponde a cada punto mediante a seguinte operación aritmética: 15.293,17 euros / puntos totais conseguidos polos solicitantes.

---

## Concello de Vila de Cruces

Praza D. Juan Carlos I, Vila de Cruces. 36590 (Pontevedra). Tfno. 986582017. Fax: 986582492



Cod. Validación: 4HAS4S.JXJJD4N35.IRA26ZEMMP | Corrección: <https://viladecruces.sedelectronica.es/>  
Documento asinado electronicamente desde a plataforma xestiona esPublico | Páxina 4 a 9



2º.- Cálculo do importe da contía de subvención que lle corresponde a cada beneficiario: multiplicamos o resultado da operación anterior (valor punto) polo número de puntos de cada un dos solicitantes para obter o importe de subvención que lle corresponde.

O órgano instrutor será o axente local de emprego encargado de instruír e tramitar os expedientes.

Revisados os expedientes e completados, se é o caso, remitiranse á Comisión de valoración que elaborará informe no que se concrete o resultado da avaliación efectuada.

A comisión de avaliación estará integrada polos seguintes membros:

Presidente: o alcalde do Concello ou membro da corporación municipal en quen delegue.

Secretario/a: O secretario da corporación ou persoa que o sexa da corporación do Concello.

Vogal: O/a axente de emprego

Vogais: O/a Concelleiro/a con competencias en materia de Economía, ou persoa en quen delegue.

O/a Concelleiro/a con competencias en materia de Comercio, ou persoa en quen delegue.

O órgano instrutor, á vista do expediente e do informe do órgano colexiado, formulará a proposta de resolución á Xunta de Goberno Local para a aprobación das axudas como órgano competente para a resolución segundo o réxime de delegacións existente.

O órgano instrutor notificará ás persoas beneficiarias a concesión de subvención mediante notificación no enderezo que conste na solicitude e publicación no taboleiro de anuncios do Concello.

O prazo de resolución e notificación será de 4 meses dende a publicación do extracto da presente convocatoria no BOP Pontevedra.

Toda alteración das condicións tidas en conta para a concesión da axuda, en concreto, a obtención concorrente de axudas outorgadas por outras administracións ou entes públicos ou privados, poderá dar lugar á modificación da resolución de concesión.

A resolución recaída neste procedemento pon fin á vía administrativa e contra ela poderá interpoñerse recurso potestativo de reposición, no prazo dun mes contado a partir do día seguinte á notificación da resolución ante o mesmo órgano que a ditou ou ser impugnada directamente ante a orde xurisdiccional contencioso-administrativa, no prazo de dous meses, contados a partir do día seguinte ao da notificación da resolución.

## 9.- XUSTIFICACIÓN

O pagamento da axuda realizarase unha vez que a persoa beneficiaria presente no rexistro do Concello, ata o 31 de outubro de 2021, a seguinte documentación:

- Conta xustificativa dos gastos, na que se determinará o custo total da actividade subvencionada, detallando as facturas ou documentos de valor probatorio no ámbito mercantil e administrativo. Identificarase: acreedor e documento, importe, data de emisión, e se é posible data en que se pagou.
- Facturas e os seus xustificantes bancarios de pago por importe igual ou superior á cantidade da subvención.

---

### Concello de Vila de Cruces





- Declaración xurada actualizada de que a persoa ou entidade solicitante non está incurso nas prohibicións para obter a condición de beneficiaria e para ser receptora do pago establecido na Lei 38/2003, de 17 de novembro, e en concreto apartados 2 e 3 do artigo 13 e o apartado 5 do artigo 34 da mesma, estando ao corrente das súas obrigas tributarias e coa seguridade social.
- No caso de que non foran presentados no xunto coa solicitude, certificados de estar ao corrente coas obrigas tributarias na Axencia Estatal da Administración Tributaria, coa Tesourería Xeral da Seguridade Social, coa administración autonómica. Comprobarase de oficio a non existencia de débedas co Concello de Vila de Cruces e co Oral, así como non ser debedor por resolución de procedencia de reintegro no Concello
- Fotografías do cartel no que se aprecie a publicidade das actuacións.

Rematado dito prazo sen terse presentado a documentación xustificativa, o Concello de Vila de Cruces iniciará expediente de reintegro da cantidade percibida.

## 10.- OBRIGAS DOS BENEFICIARIOS

A condición de beneficiario obriga a este nos termos previstos no artigo 11 da Lei 9/2007, do 13 de xuño, de subvencións de Galicia, e en concreto:

- A figurar ao día no cumprimento das obrigas tributarias, estatais e autonómicas, coa Seguridade Social e co Concello de Vila de Cruces.
- Comunicar ao Concello de Vila de Cruces a obtención doutros ingresos ou axudas destinadas á mesma finalidade e procedentes de calquera administración pública ou os seus entes dependentes.
- Comunicar ao Concello calquera eventualidade na actividade ou programa subvencionado.
- Proporcionar toda a información que lle sexa requirida polo Concello de Vila de Cruces, a Deputación de Pontevedra, o Tribunal de Contas e o Consello de Contas no exercicio das funcións de fiscalización e control do destino das axudas.
- Someterse ás actuacións de comprobación e control financeiro previstas pola vixente normativa en materia de subvencións, do Concello e da Deputación de Pontevedra.
- Proceder ao reintegro dos fondos percibidos nos supostos contemplados no artigo 37 da Lei Xeral de Subvencións, e en particular, por obter a subvención falseando as condicións requiridas para iso ou ocultando aquelas que o impediron, ou mostrar resistencia, escusa, obstrución ou negativa ás actuacións de comprobación e control financeiro prevista no artigo 14 da Lei Xeral de Subvencións.
- Cumprir as restantes obrigacións que detalla o artigo 14 da Lei Xeral de Subvencións e 11 da Lei 9/2007, de 13 de xuño, de Subvencións de Galicia.
- No caso de que a persoa ou empresa beneficiaria atópese comprendida nos supostos do artigo 3.b) da Lei 19/2013, de 9 de decembro, de Transparencia, acceso á información pública e bo goberno, deberá adaptarse ás obrigas de publicidade activa que lle resulten aplicables.
- Dispor dos libros contables, rexistros dilixenciados e demais documentos debidamente auditados nos termos exixidos pola lexislación mercantil e sectorial aplicable á beneficiaria en cada caso, coa finalidade de garantir o exercicio adecuado das facultades de comprobación e control.

---

### Concello de Vila de Cruces

Praza D. Juan Carlos I, Vila de Cruces. 36590 (Pontevedra). Tfno. 986582017. Fax: 986582492



Cod. Validación: 4HAS4S.JX.XD.4N35.IRA26ZEIMMP | Corrección: <https://vialdecruces.sedelectronica.es/>  
Documento asinado electronicamente desde a plataforma xestiona esPublico | Páxina 6 a 9



- Adoptar as medidas adecuadas de difusión para dar publicidade ao financiamento público das actuacións subvencionadas polo Concello de Vila de Cruces e a Deputación de Pontevedra.

## 11.- DEVOLUCION E REINTEGRO

Procederá o reintegro da subvención percibida nos casos previstos na Lei 9/2007 de subvencións de Galicia, e en concreto, nos seguintes casos:

- Incumprimento da obriga de xustificación.
- Obtención da axuda sen reunir os requisitos esixidos para a súa concesión, con falsificación das condicións requiridas ou ocultación daquelas que o impedisen.
- Por non aplicala aos fins para os que foi concedida.
- Incumprimento das medidas de difusión.

### REINTEGRO VOLUNTARIO DAS SUBVENCIÓNS

1. As persoas beneficiarias poderán realizar, sen o requirimento previo da Administración, a devolución total ou parcial da subvención concedida, mediante o seu ingreso na conta que indicará o Departamento de Tesourería, en concepto de devolución voluntaria da subvención.
2. A tal efecto presentarán escrito dirixido ao Concello informando da renuncia á axuda e solicitando o número de conta a efectos de reintegro.
3. En todo caso, a persoa beneficiaria deberá presentar no rexistro do concello copia xustificativa da devolución voluntaria realizada, na cal consten os datos identificativos do titular da axuda concedida, a data do ingreso, o seu importe e o número do expediente.

## 12.- COMPATIBILIDADE

As subvencións que se outorguen ao amparo da presente convocatoria serán compatibles con outras subvencións, axudas, ingresos o u recursos para a mesma finalidade, procedentes de calquera Administración ou ente público ou privado, nacional, da Unión Europea ou de organismos internacionais, sen prexuízo de que o importe das subvencións en ningún caso poderá ser de tal contía que, illadamente ou en concorrencia con outras subvencións, axudas, ingresos ou recursos, supere o custo da actividade subvencionada.

## 13.- PROTECCION DE DATOS DE CARÁCTER PERSOAL

De conformidade co establecido na Lei Orgánica 3/2018, de 5 de decembro, de Protección de Datos Persoais e Garantía dos Dereitos Dixitais e a súa normativa de desenvolvemento e ao Regulamento (UE) 2016/679 do Parlamento Europeo e do Consello de 27 de abril de 2016 relativo á protección das persoas físicas no que respecta ao tratamento de datos persoais e á libre circulación de estes datos e polo que se derroga a Directiva 95/46/CE (Regulamento xeral de protección de datos), así como das disposicións en materia de Protección de Datos que se atopen vixentes durante o período de vixencia destas bases, informámolo de que este Concello é o

---

**Concello de Vila de Cruces**

Praza D. Juan Carlos I, Vila de Cruces. 36590 (Pontevedra). Tfno. 986582017. Fax: 986582492



Cod. Validación: 4H4S4S.JXJ4N35.IRA26ZEIMMP | Corrección: <https://vialdecruces.sedelectronica.es/>  
Documento asinado electronicamente desde a plataforma xestiona esPublico | Páxina 7 a 9



responsable do tratamento e garda dos datos achegados na instancia e na documentación que lle acompaña. A finalidade do tratamento dos datos é a xestión deste procedemento.

Os datos persoais non serán comunicados a un terceiro, a non ser que deban facilitarse en cumprimento dunha obrigaón legal.

Os datos serán conservados o tempo necesario para poder levar a cabo o rexistro e as accións para as que se lle solicitou o consentimento.

Pode retirar o consentimento en calquera momento, podendo exercitar os seus dereitos de acceso, rectificación, supresión, limitación, oposición e portabilidade, cando este último legalmente proceda, enviando unha comunicación ao enderezo electrónico [info@viladecruces.es](mailto:info@viladecruces.es)

Infórmase do dereito para presentar unha reclamación ante a Axencia Española de Protección de Datos, C/ Jorge Juan, 6, 28001 Madrid ([www.agpd.es](http://www.agpd.es)).

#### 14.- PUBLICIDADE

A publicidade da presente convocatoria, realizarase a través da Base de Datos Nacional de Subvencións (BDNS), en cumprimento do establecido nos artigos 18 e 20 da Lei Xeral de Subvencións na súa redacción dada tralas modificacións introducidas pola Lei 19/2013 de 9 de decembro de transparencia, acceso á información pública e bo goberno, así como pola Lei 15/2014, de 16 de setembro, de racionalización do Sector Público e outras medidas de reforma administrativa.

Unha vez tramitada a convocatoria, comunicarase á BDNS, o texto e anexos, así como o extracto da mesma.

Así mesmo, remitirase á BDNS, a información relativa a beneficiarios, concesión das subvencións, así como do pago e, no seu caso, a devolución, reintegro, sanción, inhabilitación; de forma continuada a medida que se vaian producindo os actos.

Todo iso sen prexuízo da publicación na páxina web do Concello, no seu caso.

#### 15.- RÉXIME XURÍDICO.

As subvencións as que se refiren as presentes Bases rexiranse polo establecido na Lei 38/2003, de 17 de novembro, Xeral de Subvencións, de acordo co establecido na súa disposición final primeira, no Regulamento da Lei Xeral de Subvencións, aprobado por Real Decreto 887/2006, de 21 de xullo, a Lei 9/2007 de 13 de xuño de subvencións de Galicia, Ordenanza Xeral Reguladora das Subvencións do Concello de Vila de Cruces e supletoriamente pola Lei 39/2015, de 1 de outubro, do procedemento administrativo común das administracións públicas, así como demais normativa que sexa de aplicación.

---

### Concello de Vila de Cruces

Praza D. Juan Carlos I, Vila de Cruces. 36590 (Pontevedra). Tfno. 986582017. Fax: 986582492



Cod. Validación: 4HAS4S.JX.XD.4N35.IRA26ZE.MMP | Corrección: <https://viladecruces.sedelectronica.es/>  
Documento asinado electronicamente desde a plataforma xestiona esPublico | Páxina 8 a 9





DISPOSICIÓN FINAL: ENTRADA EN VIGOR.

Esta convocatoria entrará en vigor o día seguinte ó da súa publicación no Boletín Oficial da Provincia de Pontevedra.

O alcalde  
Luis Celso Taboada Sánchez  
*DOCUMENTO ASINADO ELECTRÓNICAMENTE Á MARXE*

---

**Concello de Vila de Cruces**

Praza D. Juan Carlos I, Vila de Cruces. 36590 (Pontevedra). Tfno. 986582017. Fax: 986582492



Cod. Validación: 4HAS4S.JX.XJ.D4.N35.JRA26ZEMMP | Corrección: <https://vialdecruces.sedelectronica.es/>  
Documento asinado electronicamente desde a plataforma xestiona esPublico | Páxina 9 a 9